


OL TOP ADVAES ABAOT SAEBA SIKIURITI


OL PRAKTIKOL WEI BLONG PROTEKTEM YUWAN ONLAEN

cyber.gov.au/learn



Apdeitem ol ap mo ol divaes blong yu

Taem yu apdeitem ol ap mo ol divaes blong yu, hemia yu save fiksिम mo adresem ol niufala sikiuriti konsen o ol wiknes we ol haka oli save yusum blong aksesem ol divaes o ol akaon blong yu. Oli save adem tu ol niufala fija.




Setemap ol sikiua pasfres

Taem we MFO hem i no avelebol, yusum wan pasfres blong sikiurem akaon blong yu. Wan pasfres hem i wan strong kaen paswod we i yusum fo o moa random toktok. Hemia hem i mekem i had blong ol saebakriminel oli wokemaot be hem i isi blong yu rimembarem.



Tanem on multi-fakta otentikeisen (MFO)

MFO hem i minim se yu kat i bitim wan jek we i stap blong pruvum aedentiti blong yu long wan akaon. Eksampol, maet bae yu nidim wan kod long wan teks mesej mo pasfres blong yu. Hem i mekem i moa had blong ol saebakriminel oli aksesem ol akaon blong yu.



Rekoknaesem mo ripotem ol skam

Oli kriminel samtaem oli yusum imel, SMS, ol fon kol mo sosol media blong skamem ol man. Nomoli oli mekem hemia taem oli kontaktem yu mo priten se oli wan man o wan okanaeseisen we yu save mo trastem.

Evritaem yu mas lukaot taem yu klik long ol atajmen o ol link we oli stap insaed long ol imel o ol mesej.



Setemap mo mekem ol rekula bakap

Wan bakap hem i wan dijitel kopi blong mos impoten infomeisen blong yu maet i ko long wan ekstenel storej o long wan seva long intanet olsem klaod. Hem i minim se yu save ristorem ol fael blong yu sipos wan samting i ko rong.



Mekem ol samting ia blong mekem se saeba sikiuriti blong yu i ko moa antap...

- Tingbaot wanem we yu postem onlaen.
- Saenap long fri alet sevis blong mifala blong risivim ol alet abaot ol niufala tret.
- Tokbaot saeba sikiuriti wetem famli blong yu mo ol fren.
- No yusum pablik Wi-Fi taem yu mekem onlaen banking o shopping.
- Ripotem ol saeba atak mo ol insiden blong kipim Ostrelia i sikiua.

Faenemaot moa long cyber.gov.au/learn

Ripotem ol saeba sikiuriti insiden:

cyber.gov.au | 1300 CYBER1 (1300 292 371)

Namba ia man i save kolek nomo taem i stap long Ostrelia.

